



Meuz

□ Vangz Civeij/黄志伟

Danghnaeuz mbouj dwg haxbaenh gij biujyienh geizheih de, lauhei gou couh doengzeiq de youq laeng gou ninz lo, dauqdaej de lij dwg dahniq, hoeng ndaw congghoz de fat ok sing geizheih, hawj gou roxnyinh miz di dwglau.

Gou hai dou soengq de okbae, nyoengx okbae seiz, daj ndaw daeh de doek geij naed dangz, gou gip hwnjdaej yawj, dwg dangz duzdouq hung, gou doq siengj doq vut bae.

Gou sikhaek gven dou hwnjdaej, vut de youq baihrog. Gyauej gou ing youq gwnz dou, ndaw uk miz aen siengjap geizheih ndeu. Gou roengzrengz nyaenxheiq, ngeix saeh bonjfaenh, yaep ndeu le, couh swiqnaj catheuj bae ninz lo.

Gou maezmiegmieg ninz daengz byonghhwnz, dingqnyi miz gij sing gigi gya-gya.

Dwg gij sing duzmeuz haeujdaej gwn haeux, gou naemj, youh sim'onj ninz lo.

Gou sawqmwh roxnyinh, gou gaenq mbouj miz duzmeuz lo, naemj daengz neix gou sikhaek benz hwnjdaej, sawqmwh raen aen ngaueuz ndaem ndeu daj henz congghcueng myab gvaq gig vaiq, haeux lw sanq youq gwnz namh, gou yawj mbouj cingcuj aen ngaueuz ndaem haenx dwg gijmaz, roxnyinh miz di vuenglueh.

Byaij daengz yangzdaiz, dawz gij dangz duzdouq hung banhaemh cawx daeuj haenx, yaek gwn naed ndeu atat ndang saenz. Lih mbouj daengz ndawhab hoengq liux, naed dangz ndeu cungj mbouj miz lo.

Gou daengx ndang saenz hwnjdaej.

Gou rox gij siengjap gou gig mbouj hab ciengzleix, hoeng youh mbouj ndaej mbouj yienghneix siengj.

Gou vut duzmeuz bae, yienzhaeuh dabsau iq ndeu daej ranz gou, de sug ndaw ranz rou hai aen funghsan, rou bae sousib sahfaiz, yienzhaeuh fatok gij sing "gulu gulu", lij caeg gij dangz gou ceiq gyaeh gwn haenx, byonghhwnz, haeuj ranz gou caeg haeuxmeuz.....

Gag youq nanz lai, hawj gou ukgyaeuj luenh luma?

Gou roxnyinh aen sim gyoetcadcad.

Gou bietdingh aeu dwk aen denva ndeu hawj bouxwnq gangj aen saehgienh geizheih neix.

Fan geij baez dunghsinluz ra denva haumaj, cawz liux boux doengzdoh guhhong caeuz

hujgeiq, couh cij lw boux mehheiz gai byaek ndeu, gou siengj bae siengj dauq lijdwg dwk denva hawj de, denva yiengj le gig nanz mbouj miz vunz cieq, baenzneix haemh lo, de bietdingh dwg ninz ndaek lo, cingq naemj cuengqroengz, denva cieq doeng lo.

"Mehheiz, gou dwg Siujgangh, ciengzseiz caeuz mwngz cawx makyungz, lij mbouj caengz ninz ha? Gou siengj caeuz mwngz gangj gienh saeh ndeu ne."

"Mwngz naeuz ha." Gij sing mehheiz gig hung, de dwg yungh aen soujgih bouxgeq.

"Gou ciengx duz meuz ndeu, mwngz rou lwi?"

"Rox, mwngz gangj gvaq."

"Gou vut de bae lo, mwngz rou lwi?"

Denva baihde lumjbaenz caem yaep ndeu le, de sing hung cam: "Vihmaz vut de bae ne?"

"Aenvih de baenz bingh lo."

Denva baihde youh caem lo, mehheiz bietdingh gig dwgcaengz boux vunz simdoeg yienghneix.

Geiqndaej baez daih'it caeuz mehheiz cawx byaek, de yungh gij cienz gai byaek haenx cawx aen mienhbaunoh ndeu hawj duzma henz de gwn. Mehheiz naeuz, duzma heuhguh Dozdoz, gaxgonq dwg duzma louzlangh ndeu, cib bi gaxgonq haet ndeu cawx aen bau ndeu hawj de, ma couh ngoenzngoenz buenx de, doeklaeng mehheiz couh soulouz de lo. Ma daj caeux daengz haemh buenx de gaenq cib bi lo, mboujguenj mbwn rongh doek fwn. Ngoenz fwn doek, mehheiz coengh de daenj buhfwn, lumj gyaeh gij lwg swheij nei.

Mehheiz mbouj miz lwg, gvan de hix dai haujlai bi lo.

Lauxsaed gangj dwg cungj diensingq ndeu, simndei dwg cungj genj ndeu, mehheiz cungj aeu baenzneix guh.

Denva gou hix caem roengzdaej, mbouj rou hab gangj gijmaz.

"Mwngz soengq hawj gou ndaej lwi?"

"Gou vut de lo, aiq deng bouxwnq gouq bae. Hoeng, haemhneix de youh dauqma lo, de bienqbaenz dah lwgnyez iq ndeu, dauqma boizhaemz gou."

Gou gangj gij saehcingz haenx hawj mehheiz

baez ndeu.

"Gou rou mwngz haengjdingh nyinhnaeuz gou fatbag lo, hoeng gij duenhdingh gou wnggai mbouj loek....." Gou roengzrengz ra vah, hawj mehheiz saenq gou.

Mehheiz dinghcaem haujlai nanz, cij gangj coenz vah ndeu: "Danghnaeuz mwngz siengj de, bae ra de dauqma ba, ndei lwi?"

"Hoeng....."

"Hoeng gijmaz?"

Gou cuengq denva le, naengh youq gwnz yangzdaiz, caj le haujlai nanz haujlai nanz, gou mbouj gamj caiq bae siengj gienh saeh neix, hoeng dingz mbouj roengzdaej.

Seizneix, rog dou miz sing roq dou.

"Bouxlawz?" Gou gipmuengz byaij gvaqbae.

Mbouj miz vunz dapwngq, gij sing roq dou bienqbaenz gij sing doxdawz nyauj de.

Gou mbouj gamj bae hai dou, ndwn youq laeng dou mbouj gamj doengh.

Gou ae song sing, sawqmwh, gij sing rog dou mbouj miz lo. Gou doeklaeng bae hai dou yawj dauqdaej dwg yienghlawz. Ngeix mbouj daengz, baihrog dwg dah lwgnyez haxbaenh deng gou gyaep deuz haenx.

"Mwngz yaek guh gijmaz?" Gou cam de.

De gig doeksaet dwk yawj gou, lumjnaeuz gig mbouj roxyiuj gij vah gou.

Gou ndaej haengjdingh dwg de, aen lwgda de gou gig sug.

"Gou rou mwngz dwg bouxlawz, mwngz dauqdaej siengj guh gijmaz?"

"Gou dwg bouxlawz?"

"Mwngz dwg meuz....."

De riu hwnjdaej, lwgda saeklamz daih lumj aen da meuz gou ngamq vut haenx.

"Gou geij ngoenz mbouj raen duzmeuz mwngz lo, gou rou mwngz vut de bae lo, aenvih de baenz bingh, ndangdaej in, hemq mbouj dingz, hawj mwngz ninz mbouj ndei."

Ndaw hoz gou saepsaep, siengj gajinaeuz gijmaz, cix gangj mbouj okdaej.

"Mwngz yousim de dauqma ra mwngz ha?"

Gou mbouj dap vah.

"De danghnaeuz dauqma ra mwngz, bietdingh dwg aenvih de gyaeh mwngz, liz mbouj ndaej mwngz, mwngz dwg vunzranz de, de yousim mwngz gadog."

Dah iq gangj sat, coh gou riu lo, youh naeuz: "Gou siengj ciq rongz meuz mwngz bae yungh, daeggo gou ngoenzneix yaek soulouz duz meuz louzlangh ndeu, de sou haujlai meuz louzlangh."

"Ranz gou youq doiqnaj mwngz, gou dwg daj dong nyapnyaj gip daej, daeggo gou gip meuz seiz, dinglingz bungz raen gou."

"Ngoenzlwenz, mwh mwngz vut meuz, gou raen mwngz gvaq....."

"Daeggo dwg canghyw doihduz, banngoenz vih meuz yawj bingh, banhaemh youq aen diemq bienhleih laj laeuz dajgoeng gyanghwnz. Caiq raen bw!"

Ndaw uk gou luenhvaeng' vaeng bae, yaek cam de di gijmaz, de gaenq hwnj laeuz bae ra mbouj raen.

Gou cung roengz laeuz, itloh buet daengz bakdou aen diemq cuengq duzmeuz haenx, docih diendeih, duzmeuz lij youq gizhaenx, de roengzrengz heuh dwk, naemj gou bietdingh dauqma ra de.

Gou umj de ma ranz, yaep he, aen sim gou youh in baez ndeu.

Mbwn rongh le, gou roq aen dou dahniq haenx.....

Ngoenzhaenx le, gou guh song faenh hong, banggoenz youq ranz dahniq bang ciuqgoq meuz louzlangh, gyanghaemh sij faenzcieng.

Gou roxnyinh aen sim gou menhmenh an-onj lo.

(2 sat)